

Udalerri eta Eskualdeetako Gobernuak bat egin dute Emakumeen eta Gizonen arteko Berdintasunaren alde, European eta Munduan

Europako Udalerri eta Eskualdeen Kontseiluko (CCRE-CEMR) Gizonen eta Emakumeen arteko Berdintasuna Tokiko Bizitzan Sustatzeko Batzorde Iraunkorrek adierazi du emakumeen eta gizonen arteko berdintasuna funtsezko eskubidea eta oinarritzko balioa dela demokraziarentzat. Tokiko eta eskualdeetako gobernuak herritarrengandik gertuen dauden esferak dira, eta, hortaz, esku-hartzerako maila garrantzitsuak dira oraindik ere dirauten desberdintasunei aurre egiteko eta emakumeen eskubideak European eta mundu osoan sustatzeko.

Emakumeen Nazioarteko Egun honetan, 2016ko martxoaren 8an, tokiko eta eskualdeetako gobernuen ordezkariak helburu hauen inguruan elkartu dira:

- Gogoratzea demokrazia ezin eraiki daitekeela emakumerik gabe, eta, horrenbestez, beharrezkoak diren neurriak hartu behar direla, maila guztietan –tokikoa, eskualdekoa, estatukoa eta Europakoa-, emakumeek eta gizonen parte-hartze berdina izan dezaten erabakiak hartzeko prozesuetan;
- Emakumeen eta gizonen arteko berdintasuna gure balioen eta europar gizartearen oinarritzko elementua dela bermatu dezatela eskatzea estatuetakoko gobernuari eta Europako instituzioei; beraz, elementu horrek agenda politikoaren erdigunean egon behar du, eta politika eta lege garrantzitsu guztietan txertatu behar da;
- Berdintasunaren aldeko konpromiso formal bat hartu dezatela eskatzea Europako hiri eta eskualde guztiei, CCRE-CEMRk 2006an plazaratu eta dagoeneko 1.500 hiri eta eskualdek baino gehiagok sinatu duten Tokiko Bizitzan Emakumeen eta Gizonen arteko Berdintasuna Lortzeko Europako Gutuna sinatzearen bidez;
- Berdintasuna eskualde eta toki mailan sustatzeko neurri politiko konkrituak hartu ditzatela eskatzea Gutunaren sinatzaileei, CCRE-CEMRk Behatoki¹ honen bidez eskura jartzen dituen tresnak erabiliz, estatu bakoitzean tokiko eta eskualdeetako gobernuari ematen zaizkien botereen arabera; eta horren inplementaziorako beharrezkoak diren finantza eta giza baliabideak eskaini ditzatela.;
- Genero-indarkeria prebenitzeko eta horren biktimak babesteko eta laguntzeko politika eta lege bateratuak sortu ditzatela eskatzea estatuetakoko gobernuari eta EBko instituzioei. Emakumeen aurkako indarkeria eta etxeko indarkeria prebenitzeari eta haren aurka borrokatzeari buruzko Europako Kontseiluaren Hitzarmena (Istanbulgo Hitzarmena) berretsi dezatela eskatzea gobernu nazionalari;
- Kontuan hartzea gerra eta jazarpenetik ihes eginda gure hiri eta udalerrietara iristen diren errefuxiatuen artean dauden emakume eta haurren behar espezifikoak; beharrezko harrera eta arreta ziurtatzea, eta era guztietako indarkeria eta diskriminazioa eragozteak;

¹Bisitatu www.charter-equality.eu

- Maila globalean elkarlanean aritzeko borondatea erakutsi dezatela, Nazio Batuen Erakundearen 2030eko Agendaren 5 Helburuak lortzeari begira, horrek xedetzat hartzen baitu emakumeen aurkako diskriminazio forma guztiak ezabatzea;
- Emakumeek XXI. mendean pairatzen jarraitzen duten indarkeria salatzea: bizitza pribatuan zein publikoan emakumeen aurka zuzentzen den indarkeria forma guztiei aurre egin behar zaie eta ezabatu egin behar dira, honako forma hauek barne sartuta: emakumeen trafikoa, sexu-esplotazioa, etxeko indarkeria eta giza eskubideak urratzen dituzten gainerako ekintza guztiak.

Ermuko udaleko Berdintasun Saitetik eta udal Kontseilutik hainbat gorabeherarengatik, jaiotetxea eta bizitza uztera eta beste herri batzuetara babes bila joatera behartuta ikusten diren emakume eta neskatoen egoera salatu nahi dugu. Eraso fisikoak, bortxaketak, esplotazioa, sexu-jazarpenak eta orotariko indarkeria matxistak jasaten dituzte beraien bidean aurkitzen dituzten gizonen aldetik, bai eta babestu beharko lituzketenen aldetik ere, beraien moduan iheslari diren gizonena barne. Oraingoan ere, ehun-milaka pertsona ukitzen dien egoera guztiz larri honetan, emakumeek jasan behar dute alderik txarrena. Horregatik jarraitzen dugu emakumeen eta gizonen desberdintasunaren oinarrian dagoen sistema patriarkal hau salatzen, eta martxoaren 8 honetan agerian jarri nahi dugu berriro ere, gizakien artean hierarkiak ezartzen dituen edonolako sistemarekiko gure erabateko gaitzespena, eta are gehiago sexuarengatik bada.

Nazioarteko komunitateari deia gurea egiten dugu, migrazio eta babesari buruz ezarritako nazioarteko tratatuak eta arau komunitario eta nazionalak errespetatu ditzen eta giza-eskubideak ziurtatu eta babes ditzen. Gure komunitateari ere antolatzeke eta kontra ekiteko eskatzen diogu, arazo hau jasaten duten pertsonenganako elkartasunez, baina batez ere indarkeria matxista jasaten duten neskato eta emakume migratzaile eta iheslarienganako elkartasunez.

Hunkigarria da erakunde ofizial eta GKEen datuak jakitea, zeinak indarkeria-mota guztiak jasan ditzaketen emakumeen lekukotasunak biltzen dituzten: AEBetara doazela bortxatuak diren erdialdeko amerikarrak; erabateko pobretasunetik ihesi, bizitza arriskuan jartzen duten eta inolako segurtasunik gabe atzerriarrentzako zentroetan sartzen dituzten emakume afrikarrak; bizitza-proiektuak berregin nahian, gatazka eta gerretatik ihesi ari diren emakume eta neskatoak, eta pertsonen salerosketan aritzen diren mafien eskuetan desagertzen direnak, basakeria honi amaiera emateko behar dena inork egin gabe.

Berriz ere, Emakumeen Nazioarteko Egun honetan Ermuko Udalak adierazten du oso garrantzitsua dela martxoaren 8 honetarako antolatu diren ekintza eta ekimenekin at egitea, eta mugimendu feminista eta berdintasunaren aldekoari laguntzeko, sustatzeko eta indartzeko konpromisoa hartzen du, egungo programak eta baliabideak mantenduz eta horien ekintzari laguntzeko beharrezkoak diren itunak sendotuz.

Gainera, herrian berdintasunaren aldeko politika egiten jarraituko du, herritarren partaidetza sozio-politiko bideratuz, emakumeen eta gizonen artean egiazko berdintasuna lortu ahal izateko.

Ermuan, 2016ko martxoaren 1ean